

Արմավիրի մարզի Չարթունք  
համայնքի ղեկավարի առաջին  
կիսամյակի գործունեության հաշվետվություն  
(2015թ-ի. հունվար-հունիս ամիսների)

**Քաղաքացիների իրավունքների պաշտպանության բնագավառում**

2015թ. հունվար-հունիս ամիսների ընթացքում բանավոր և գրավոր գյուղապետարան է դիմել համայնքի թվով 531 բնակիչ, որից 5-ը գրավոր: Գիմումատուների հարցերին տրվել է սպառիչ պատասխան: Ստացվել և առարվել է թվով 144 շքաբերական: Գյուղապետարանը նոտարական գրասենյակում, Ք.Կ.Ա.Գ.-ի բաժնում, անձնագրային բաժնում, կադաստրի տարածքային ստորաբաժնում բանավոր և գրավոր 97 անգամ միջնորդությամբ հանդես է եկել համայնքի բնակիչների օրինական շահերը պաշտպանելու նպատակով: Ազգաբնակչությանը տրվել է 285 տարրեր բնույթի տեղեկանքներ:

Կայացել է համայնքի ավագանու 2 հերթական նիստեր, որոնք ներկայացվել են մարզպետարան: Գյուղապետի կողմից կայացվել է 16 որոշում և արձակաց 1 կարգադրություն, որոնք նույնպես ներկայացվել են մարզպետարան:

Համայնքում անցկացվել է Մարտի 8-ի, Մայիսի 9-ի և Մայիսի 28-ի կապակցությամբ միջոցառումներ, որի ժամանակ բաժանվել են հոշանվերներ:

**Ֆինանսների բնագավառում**

Օրենքով սահմանված կարգով ապահովել և տնօրինել է համայնքի բյուջեի մուտքերը և նպատակային օգտագործումը: Հաշվետու ժամանակահատվածում հավաքագրվել և մուտքագրվել է գույքահարկի մասով 917,1 հազ. դրամ, հողի հարկի մասով 651,2 հազ. դրամ, տեղական տուրքերի մասով 100,0 հազ. դրամ և վարձակալական հողի մասով 50000 դրամ:

Գյուղապետարանը աշխատակազմի աշխատակիցների աշխատավարձերի, սոց.վճարների և եկամտահարկերի գծով հաշվետու ժամանակաշրջանում ոչ մի պարտք չունի: Հաշվետու ժամանակաշրջանում սեփական մուտքերի մասով բյուջեն կատարվել է հողի հարկի մասով 65,1 %, գույքահարկի մասով 55,5 %, վարձակալական հողերի մասով 11,1 % և տեղական տուրքերի մասով 50 %:

## Պաշտպանության բնագավառում

Գյուղապետարանը տարածքային զինկոմիսարյատից զարմանային զինակոչի համար ստացած ծանուցագրերը ժամանակին բաժանվել է հասցեատերերին և հետևել է, որ ժամանակին ներկայանան զինկոմիսարյատ, վերոնշված աշխատանքները կրելու են շարունակական բնույթ:

Աջակցվում և ուշադրության կենտրոնում են պահվում քիկունքի վետերանների սոցիալական խնդիրների լուծումը: Հայրենական Մեծ պատերազմի հաղթանակի տարեկիցի կապակցությամբ քիկունքի վետերանների համար կազմակերպվել է մեծ միջոցառում, որին մասնակցել է համայնքի ողջ ազգաբնակչությունը:

Աշխատանքներ են տարվում երիտասարդության շրջանում ռազմահայրենասիրական դաստիարակության գործում: Բացառվել է Զին ծառայությունից խուսափելու դեպքերը:

## Քաղաքաշինության և հողօգտագործման բնագավառում

Անմիջական վերահսկողություն է սահմանվում համայնքի հողօգտագործողների նկատմամբ տարածքները նպատակային օգտագործման ուղղությամբ: Մասնագետների մասնակցությամբ տրվում է անվճար խորհրդատվություն բույսերի պաշտպանության հարցում: Համայնք են հրավիրվել „ԳԱՄԿ“-ի մասնագետները, որոնք նույնպես անցկացրել են անվճար սեմինարներ և խորհրդատվություններ: Կատարվել է համայնքի հողօգտագործողների հողերի սահմանների ճշտում: „ԳԱՄԿ“-ի կողմից համայնքին տրվել են „ցեց“-ի թակարտներ: Համայնքի կողմից կարկտակայաններին հատկացվել է 100000 դրամ:

## Կոմունալ տնտեսության և բարեկարգման բնագավառում

Համայնքում կատարվում է ամենօրյա աղբահեռացում, որի համար կնրվել է աշխատանքային պայմանագիր մեխանիզատորի հետ: Կնրվել է պայմանագիր սանիտար կայանի հետ խմելաջրի որակի աղտոտչման նպատակով, որի համար հատկացվել է 100,0 հազար դրամ: Խիստ հսկողություն է սահմանվել գյուղապետի կողմից խմելաջրի խողովակաշարի վրա կատարված վթարների և նրանց վերացնելու ուղղությամբ, որի վերաբերյալ կայացվել է գյուղապետի համապատասխան որոշումներ:

## Տրանսպորտի բնագավառում

Համայնքի փողոցների համար գյուղապետարանի կողմից նախատեսվել է 2915,0 հազար դրամի մասնակի ավագապատման և հարթեցման աշխատանքների համար: Գյուղամիջյան փողոցներում կատարվել է փոսալցումներ և ավագապատման աշխատանքներ 125000 մ/ք:

## Առևտրի և սպասարկման բնագավառում

Արգելվել է փողոցային առևտուրը:  
Հսկողություն է սահմանվել արագ փչացող, ժամկետանց սննդի և առևտրային կանոնների խախտման նկատմամբ, ինչի մասին կիսամյակային տեղեկատվություն է ներկայացվում մարզպետարան:  
Բացառվել է փողոցային վառելանյութի վաճառքը:

## Կրթության, մշակույթի և երիտասարդության հետ տարվող աշխատանքների բնագավառում

Համայնքում ծննդությունը բարձրացնելու նպատակով համայնքի ավագանու որոշմամբ նորածին երեխա ունեցող ընտանիքներին հաշվետու ժամանակահատվածում վճարվել է 120,0 հազար դրամ 6 բնտանիքներին՝ յուրաքանչյուրին՝ 20,0 հազարական դրամ, որպես սոց. օգնություն: Գպրոց չհաճախող մեկ երեխայի ծնողների հետ տարվել է բացատրական աշխատանքներ, որից հետո երեխան հաճախել է դպրոց: Գյուղապետարանը համայնքի ավագանու որոշմամբ համայնքի յոթ ուսանողներին որպես ուսման վարձ է տրամադրել 700,0 հազար դրամ: Վերջին զանգի կապակցությամբ 12-րդ դասարանցիներին հանձնվել են Հայաստանի Հանրապետությանրամ անձնագրեր և կազմակերպվել է միջոցառում: Համայնքի գրադարանին գրքեր ձեռք բերելու համար նախատեսվել է 150,0 հազար դրամ: Համայնքի դպրոցին որպես դրամաշնորհ հատկացվել է 600,0 հազար դրամ, յուսամուտները փոխելու նպատակով:

## Առողջապահության, ֆիզիկական կուլտուրայի, սպորտի և սոցիալական ծառայության բնագավառում

Բուժ անձնակազմի և գյուղապետարանի մասնակցությամբ հսկողություն է սահմանվել խմելաջրի վրարների, խորրային հորների քլորացման և կենցաղային աղբի հեռացման հարցում: Համաճարակների կանխարգելման նպատակով կատարվում է ամենօրյա քակայցեր և տարվում

բացատրական աշխատանքներ: Համայնքում հրավիրվում են բժիշկ մասնագետներ ազգաբնակչությանը անվճար ստուգելու, համապատասխան անվճար բուժումներ և խորհուրդներ տալու նպատակով: Համայնքում կազմակերպվում է ֆուտբոլի մրցումներ հարևան համայնքների հետ: Համայնքի բվով 8 սոցիալապես անապահով ընտանիքներին տրվել է 750,0 /յոթ հարյուր հիսուն հազար/ դրամ ֆինանսական օգնություն:

### Գյուղատնտեսության բնագավառում

Աշխատակազմի միջոցով կազմակերպվել և վիճակագրական վարչություն է ներկայացվել համայնքում անասնազոյսաբանակի հաշվառման ամենամյա հաշվետվությունները:

Տարածքային վիճակագրական վարչություն է ներկայացվել հունիսյան ցանքաշրջանառության ինչպես նաև առկա գյուղտեխնիկայի հաշվետվություններ:

Համայնքում համաձայն գրաֆիկի կազմակերպվում է անասունների և թռչունների հակահամաճարակային պատվաստումներ: Համայնքում նախատեսվում է անցկացնել ներհամայնքային ոռոգման 1,5 կմ նոր ջրագիծ: Հաստատվել է ամենամյա հողային հաշվեկշիռ:

### Համայնքի առկա հիմնախնդիրները

1. Մանկապարտեզի շենքի վերանորոգում:
2. Կուլտուրայի տան հիմնովի վերանորոգում:
3. Գյուղամիջյան փողոցների ասֆալտապատում 3 կմ
4. Աղակալված հողերի աղազերծում 150 հա
5. Ոռոգման նպատակով նոր հորերի հորատում:

Չարթունքի գյուղապետ՝

17.07.2015թ.



Պ.Սարգսյան